

KO LE LOGOLOGO A LE FONOTAKI KO LE « COMIS » O 'UIGA MO LE SUKI PUIPUI

- E motou mālama fe'auga 'aki a faka'ilo'ilo a le kau gā'oi o le lopitali ki le fakasoko o le suki puipui ;
- E motou iloa, kua toka a suki e fe'auga mālie 'oki, ke fai mo puipui fakavilivili a le kakai kātoa o 'Uvea mo Futuna, ko se tokoi mā'uiga lasi 'ai a ia mei le pule'aga Falani ti tasi foki leia, ko se faigamālie a ia ki leinei Tēlituale, o fakatatau atu ki lā ake a kogafenua Falani, e leikiaise ma'ua ni olātou suki puipui ;
- E motou iloa, ko le nofo fakama'uma'u, e 'aoga ki le tātā'ofi o le feano'aki o le vilusi, kae e le'aise fe'auga ki lona mate'i ti ko lona toe soko atu, e fakatupu veli ki le ma'uli faka'ekonomika mo fakasōsiale ;
- E motou iloa, ko le tā'ofi o le feano'aki o laini vakalele māsani, e 'aoga 'ai i le temi nei e taka ai a le vilusi i le Tēlituale, e fakatupu faigata'a'ia ki le ma'uli o fāmili e toka'api o le'aise mafai ke lotou felāvei ;
- E motou iloa, o kaku mai ki le 'aso nei, e gato tasi ki le suki puipui e ma tamate'ia le vilusi i motu o 'Uvea mo Futuna ;
- E motou fakamālō ki le pule'aga i le fakakaku mai o fā suki puipui e kauagafulu tupu valu afe ti mo le kau gā'oi o le lopitali, ke 'au o tokoi ki le kakai o 'Uvea mo Futuna ki le tau'i o le ta'umasaki ;
- **I le 'igoa o le fonotaki ko le «COMIS», i se tonu e tasi mo lana kaufono kātoa, a leia e kau ki ai a le Kovanā, a le Senatē, a le Pelesitā ti mo le Visi-Pelesitā o le Falefono Fakatēlituale, a le Pelesitā o le komisio e fai tu'uma'u, a le kau aliki kātoa o 'Uvea e fakafofoga e Kivalu, a le kau aliki kātoa o Alo e fakafofoga e Tui'Asoa, a le kau aliki kātoa o Sigave e fakafofoga e Sāfeitoga, a le fakafofoga o Moseniolo ko Pātele Lie ti mo le pule taki o le lopitali, e fakolekole atu ki kāiga kātoa o 'Uvea mo Futuna, ke kotou ano fakavilivili o fai okotou suki puipui ke tau'i ai a le solofa o le ta'umasaki, ke tou fesaofaki'aki ai, o mulimuli mo faka'apa'apa ki le tonu'aga e to'o e le kilisiteano takitautoka tasi.**